

1.6.2004 - 1.9.2004

"A, ko govori ljepše od onoga koji poziva Allahu, koji dobra djela čini i koji govori: 'Ja sam, doista, musliman!'"

Sura Fussilet, ajet 33

2.

Informativni bilten džemata Hidžra

El-Asr

Izdvajamo:

Sabahski ezan

Žena muslimanka

Islam i nauka

Moj prelazak na Islam

Nacionalizam

Sadržaj

Bratstvo Dzemat Hidzra	2
Nacionalizam	3
Islam i Nauka	4
Izbor knjiga	5
Zena muslimanka	6
Sabahski ezan	7
Provjerite vase znanje	8
Prica za djecu Iz historije Islama	9
Kako sam pre- sao na Islam	10
Nasa kuhinja Mali savjeti	11
Islam& internet Reklame	12



Bratstvo

Kako prenosi Kurtubi, rahmetullahi alejhi, nevjerovatan primjer nesebicnosti navodi 'Adevi koji kazuje: "Na dan Bitke na Jermuku, imao sam sa sobom nesto vode, pa sam izasao da potrazim svoga amidzica, misleci ako bude u oskudici sa vodom napojit cu ga. I kada sam ga pronasao, ponudio sam mu da ga napojim i on mi je klinuo glavom da hoće. U to vrijeme covjek pored nas uzdahnu i amidzic mi pokaza na njega da dam njemu. A to je, ustvari, bio Hisam b. el-'As. Onda ponudih vodu njemu i

on pokaza da hoće, ali kad to cu drugi i on uzdahnu, i Hisam mi pokaza na njega da dam njemu. Medutim, covjek odmah izdahnu i ja se vratih Hisamu, kad i on preselio. Zatim se vratih do amidzica koji je, takoder, vec bio preselio." I tako se zbog nesebicnosti druga prema drugu nijedan ne napise vode.

Enes r.a. prenosi da je Allahov Poslanik s.a.v.s. rekao: "Nijedan od vas nece biti pravi vjernik, dok ne bude zelio svome bratu muslimanu isto sto i sebi zeli".

Muttefekun alejhi

Aktiviteti džemata Hidžra

U proteklom periodu dzemat Hidžra je organizovao mnoge aktivnosti na polu sticanja vjerskog znanja. U mnogim mjestima Holandije se održavane su halke na kojima se ucio Casni Kur'an i hadisi, a na ovim halkama posebnu vrijednost pridonijelo je prisustvo naseg brata i dajje Sedina, koji na mnogim halkama odrzo derzove. Uz ovo gore navedeno moramo da napomenemo da su halke bila odlicna prilika da se braca susrecu, zblizuju, i zajednicki rjesavaju razne probleme itd.

Proteklog mjeseca je u Alkmaru ponovo organizovan turnir u malom nogometu, na koji turnir se odazvalo mnogo braca. Na turniru je ucestvovalo osam ekipa od kojih su dvije bile sastavljene od braca Turaka. Bila je to opet odlicna prilika da se braca sa nivoa citave Holandije susretnu.

Pocetkom aprila nekoliko dzematlija je posjetilo bracu u Njemackom gradu Bonu gdje je bio organozovan skup ciji je gost

bio sejh mr. Nusret Imamovic.

Dzemat u ovom momentu radi na pripremi skupa (u vidu piknika) koji bi trebao insAllah da se odrzi 12 juna, a ciji ce gost biti sejh mr. Safet Kudzovic. Ovom priikom pozivamo svu bracu i sestre da se u sto vecem broju odazovu ovom skupu. Skup ce imati i internacionalni karakter, jer se nadamo insAllah i posjeti jednog Libijskog sejha koji se ce braci i sestrama obratiti na Holandskom jeziku.

Za kraj da napomenemo da je website naseg dzemat Hidzra u pripremi. Nasa website je: www.jasnauputa.com. InsAllah ce se nas glas uskoro cuti i on-line.



Skrusenost

Od Enesa ibn Malika r.a. se prenosi da je Allahov Poslanik, Muhammed s.a.v.s. rekao: "Namaz licemjera je namaz onoga koji sjedi i prati sunce. Pa kada bude izmedju sejtanskih rogova, ustane i skljuca cetiri rekjata u kojima vrlo malo spominje Allaha". (Muslim)

Nacionalizam, ta opaka bolest

Nacionalizam je bez sumnje jedna grozna bolest, koja se nazalost uvukla u mnoga muslimanska srca. To je bolest koja okreće Muslimane jedne protiv drugih i koja cijepa ovaj



ummet. Ta opaka bolest nagoni

Muslimane da se bore za svoju državu protiv druge muslimanske brace, ca iako su ta braca bolji vjernici. Nacionalizam je cest uzrok da Muslimani dakle potezu oruzje protiv svoje brace, samo zato sto oni govore drugi jezik ili zive preko crte (granice). Da bih vam bolje predocio da je nacionalizam bolest koja je u totalnoj suprotnosti poruci Islama, navest cu vam nekoliko ajeta i hadisa u nadi da ce to ocistiti muslimanska srca i prouditi njihovu svijest. Molim Allaha s.w.t. da ovaj moj mali doprinos ucini govorom za mene a ne protiv mene. Cinjenica da na zemaljskoj kugli zive razlicita plemena, narodi, rase i da se govore razliciti jezici znak je Naseg Stvoritelja i upucuje na savrsenstvo i bogatstvo Bozijeg stvaranja. Uzviseni kaze u suri Al-Hujuraat: "O ljudi, Mi smo vas od muskarca i zene stvorili i plemenima i narodima vas ucinili da bi ste se upoznali. Najugledniji od vas kod Allaha je onaj koji Ga se najvise boji; Allah, uistinu sve zna i nije Mu skriveno nista".

Hadis

Iz ovog proizilazi da Allah ne zeli da kaze da je kod njega najpriznatiji jedan Arap ili Evropljanin, nego da je od Allaha s.w.t. najpriznatiji onaj njegov rob sa najvecom bogobojažnoscu (taqvom), bio to jedan crni rob, eskim, plavi Nijemac ili pak Berber. Da bih ovo jasnije prikao ukazujem na hadis kojeg prenosi imam Ahmed rahmetullahi alejhi a u kome Allahov Poslanik s.a.v.s. kaze: "Zaista, nema superiornosti Arapa iznad drugih i obrnuto, bjelca iznad crnca ili obrnuto, izuzev zbog bogobojažnosti". U jednom drugom hadisu, kojeg prenose Ebu Davud i Tirmizi a kojeg je Ibn Tejmije ocjenio kao hasen, se kaze da je Allahov Poslanik, s.a.v.s., rekao: "Allah je od vas uklonio ponos i aroganciju koju ste imali u dzahilijetu, a isto tako je uklonio i vase hvalisanje o vasim precima. O vjernici sa bogobojažnoscu i nesretni grijesnici! Vi ste djeca Ademova a Adem je stvoren od zemlje. Neka ljudi prestanu sa hvalisanjem o umrlim precima koji ce gorivo za vatru biti ili koji ce kod Allaha biti manje vazni nego buba koja svojim nosom bagegu skuplja". Jednog dana su se Muhadziri i Ensarije poceli da svadjaju pri cemu su se strasti uzdigle do te mjere da je jedan Muhadzir povikao: "O Muhadziri", a jedan Ensarija je uzviknuo: "O Ensarije". Tada je Poslanik s.a.v.s. rekao: "Jel to poziv

Dzahilijeta gdje vi to pozivate?!" (Buharija). Suprotno podjeli prema plemenu, rasi ili nacionalitetu Islam nas upucuje na cvrsto vezivanje safova, bratsvtvo ne gledajuci na boju i porijeklo. To se vidi i iz hadisa kojeg prenose Buharija i Muslim (muttefekun alejhi) u kome se kaze da je Poslanik s.a.v.s. rekao: "Vjernici su kao jedna cvrsta gradjevina, svaki dio gradjevine podupire drugi dio". Onda je Poslanik s.a.v.s. ispreplitao svoje prste da to slikovno prikaze. U drugom hadisu— koji je kodje muttefekun alejhi—se prenosi da je Poslanik s.a.v.s. rekao: "Primjer vjernika u njihovoj medjusobnoj ljubavi je kao primjer jednog organizma, ako jedan dio tijela krvvari, onda pati citavo tijelo". Draga braco i postavljane sestre ovo je nekoliko primjera iz nase vjere koja zabranjuje nacionalizam i rasizam. Postoji jedan hadis kojeg cesto spominju oni koji dovoljno nepoznaju din-Islam. U ovom hadisu, koji podstice na nacionalizam i podijeljenost, se kaze da je Poslanik s.a.v.s. rekao: "Ljubav prema domovini je dio imana". Ovaj hadis je izmisljen prema misljenju uleme koja se drzi Sunneta Poslanika s.a.v.s.. Ovaj hadis se suprotstavljala Islamskom duhu i ciljevima. Zalosno je da se neki muslimani danas povode za ovakvim stvarima i ljubav imaju za državu u kojoj se ne provodi serijet, ali su spremni iz ljubavi za tu državu da proliju krv brata muslimana. Molimo Allaha s.w.t. da nam da vise znaja i da nas izliječi od ove opake bolesti.

Abdul-Jabbar van de Ven

"Vjernici za prijatelje ne uzimaju nevjernike mimo vjernika, ako to ucini, sa Allahom nema nista. Izuzev ako se time od njih sitite! Allah vas na Sebe uozorava. A Allahu se sve vraca"

Ali-Imran: 28



Ressul s.a.v.s. je rekao:
Ova stvar (Islam) će
obuhvatiti sve sto noc i
dan obuhvataju.

*"Ne boj te se u ime
Allaha nicijeg
prijekora. Ne
ostavljajte
naredjivanje dobra, a
ovracanja od zla, pa
da vam vladari
postanu najgori od
vas, zatim cete
Allaha moliti, a dove
vam nece biti
uslisane"*

Ali ibn Ebi-Talib, r.a.

Islam i nauka (1. dio)


Iz predavanja prof. Abdul-Medzida Ez-Zindanija, sastavio hfz. Muhammed Porca

Ova tema je posljednje vrijeme zauzela goruce mjesto na mnogim vaznim naucnim skupovima kod muslimana. To nas je navelo da i mi ovaj prostor posvetimo istoj temi i usput pokusamo objasniti kako Islam gleda na nauku i da li ona potvrđuje istinitost Islama.

Kao sto znamo, prva objava Muhammedu sallallahu alejhi ve sellem, bila je *"Uci citaj, saznaji novo"*! Otkrivaj ono sto ti nije poznato da bi se uzdigao, jer ljudski rod se razlikuje od zivotinja i drugih stvorenja upravo zbog posledovanja razuma. *"U ime tvoga Gospodara"* neka je to učenje, *"koji svara"* (Sura-Alek:1), i o tome ga mozemo poznati. Drugi kur'anski ajet o kome ce biti govora su rijeci Allaha dzelle sanuhu: *"Pokazat cemo im dokaze Nase (moci, znanja, mudrosti) u svemirskim prostranstvima, i u njima samima, dok im ne bude potpuno jasno da je to (sto je tebi, o Muhammede, objavljeno) istina."* (Sura-Fussilet: 53) Da je vjera Islam koju slijedi ummet Muhammeda sallallahu alejhi ve sellem, istina.

Islam se zasniva na cvrstim temeljima i upravo zato, izabrali smo ovu temu, koja je jedna od mnogobrojnih o kojima treba da govorimo. Ona se muslimana naseg vjerovanja. Islam je nastavak onoga sto je objavljivano poslanicima prije posljednjeg poslanika Muhammeda sallallahu alejhi ve sellem, ono sto je objavljeno Ibrahimu (Abrahamu), Musau (Mojsiju) Isau (Isusu) i drugim Bozijim poslanicima. On je kao i svi drugi Boziji poslanici, bio zaduzen da ljudima pokaze i dokaze istinitost svoga

poslanstva. Inace, da nije tog dokaza, mogao bi bilo ko od ljudi tvrditi da je Boziji poslanik i da ga je Bog poslao. I zato Allah dzelle sanuhu, Bog, Gospodar i Stvoritelj svih ljudi, daje svakom poslaniku dokaz u koji i preko koga ce ljudi vjerovati, sto znaci da je taj poslanik, zaista od Boga poslan. To nije tek puko vjerovanje bez koristi, vec ima cvrstu potvrdu i dokaz u ljudskim saznanjima. Tako je mnogim poslanicima dao natprirodne pojave ili mu'dzize; Musau alejhisselam dao je, kao sto cujemo iz historije i potvrđenih izvora, da se njegov stap pretvarao u zmiju i to nije bila carolija. Skupina zidovskog naroda je vjerovala.



Isau alejhisselem, Allah dzelle sanuhu je podario da ozivljava mrtve. Isto tako se desilo i sa Muhammedom sallallahu alejhi ve sellem, kao posljednjim Bozijim poslanikom. Ali, Gospodar svijetova mu daje kao dokaz nesto sto drugi poslanici nisu imali. Nesto posebno, jer je i njegovo poslanstvo posebno. Poslanici prije njega su bili poslani samo svojim narodima i za odredjeni vremenski period, dok je on bio posljednji poslanik poslan svim ljudima donoseci poslednju Allahovu poruku. To znaci da do Sudnjeg dana mora biti ljudima dokaz istinitosti tog vjerovanja. Kada pitamo (tadasnje) sljedbenike Isusa: "Kakav vam je dokaz da je on Boziji poslanik? - Reci ce - zato

sto je on mrtve prozivljavao, zato sto je to i to radio." A kada pitamo muslimane "Sta vam je dokaz da je Muhammed sallallahu alejhi ve sellem, Allahov poslanik? Odgovorit ce: "Prva kur'anska rijec, to je najveći dokaz". A to je *"ikre"*, uci, citaj, proucavaj, saznaj, doci ces do istine. I zaista, u ovo danasnje vrijeme nalazimo u Kur'anu i u hadisima Muhammeda sallallahu alejhi ve sellem, savremena naucna otkrica i dokaze koji potvrđuju istinitost islama zasnovana na kur'anskim rijecima, *"pokazat cemo im Nase dokaze u svemirskim prostranstvima"*, (u onome sto je najdalje od ljudi) *"i u njima samima"* (sto je njima najblize, u gradji njihovog tijela) *dok im ne bude potpuno jasno i dokazano da je to istina"*. (sa rijeciju *"Nase"* Allah dzelle sanuhu ukazuje na Njegovu velicinu, a nikako na mnogobrojnost jer je On Jedan Jedinii niko Mu nije ravan). Jer, slijepo vjerovanje ne vrijedi. Kaze Uzviseni Allah dzelle sanuhu: *"Slali smo poslanike svoje sa jasnim i cvrstim dokazima."* (Sura Hadid: 25) I zato, vjerovanje koje nema svojih dokaza, in nema svoje potvrde, ne treba da bude prihvaceno. Najveci dokaz poslanstva ovog Poslanika, a istinitosti i ispravnosti, u isto vrijeme, naseg vjerovanja, kao muslimana, jeste Casni Kur'an. I to nije dijelo Muhammeda sallallahu alejhi ve sellem, jer za njega Uzviseni kaze: *"Ako ste u sumnji u ono sto smo objavili Nasem robu, onda recite jedno poglavlje slicno tome."* (Sura Bekareh: 23) *"Allah svjedoci, da ono sto je objavio tebi, da ga je objavio sa znanjem"* (Sura Nisa: 166) i da to ima svoje cvrste dokaze i potvrde.

"I reci: "Hvala Allahu, pokazat će vam dokaze Svo e (moci i postojanja), i znat ćete ih sigurno". (Sura Neml: 93) " To je doista opomena covjecanstvu i sigurnocete nati da je to istina, nakon izvjesnog vremena". (Sura Zumer: 88) generacijama će trebati vremena, makar to bilo i nakon hiljadu i cetiri stotine godina nakon objave Kur'ana, kao sto je slucaj sa nama, da shvate neke stvari koje su spomenute u ovoj savrsenoj knjizi, a do Sudnjeg dana će biti izazov ljudima i predmet njihovog istrazivanja.

U hadisu, Muhammeda sallallahu alejhi ve sellem, se kaže: "Svako poslaniku Allah je davao dokazu u koji su ljudi vjerovali. A ono sto je meni dato, jeste Kur'an. I zato mi je zelja da imam najvise sljedbenika. (El-Buhari) Taj dokaz, ce se potvrdjivati medju ljudima kroz vijekove i generacije. Zato ukazujemo na jednu cinjenicu nasem muslimanskom narodu i svim drugima, da ono u sto vjerujemo i slijedimo ima svoj cvrst temelj u provjerenim savremenim naucnim dostignucima u koje nejma nimalo sumnje. Ovom prilikom navešćemo nekoliko primjera savremenih dostignuca iz raznih oblasti nauke koje se spominju u Kur'anu, kao dokaz ljudima, istinitosti Allahove Objave. I to ne samo kao dokaz, (jer dokaz sam za sebe se ne postavlja), om ima svoj cilj i svrhu, a to je da ljudi private upute Kur'ana, da vide da to nije samo knjiga culture, vec da je to knjiga naseg zivota i zakonik po kome treba i mora da se vladamo. Jer, kao sto cemo vidjeti, stoji na cvrstim temeljima "kao jedno lijepo drvo, cije je korijenje cvrsto (otislo u zemlju)". Nema te teorije, vjerovanja i ideologije koja ce ga iscupati iz korijena ili ga poremetiti. Islam ostaje


trajan i nikakva teorija niti ideologija ga nemoze zamijeniti. U isto vrijeme Islam govori o svemu, grane (toga drveta) su siroko otisle u nebo. Daje svoje plodove uvijek, odredbom svoga Gospodara (Sura Ibrahim: 24-25). Uvijek is Kur'ana crpimo nova saznanja i ovo o cemu cemo govoriti je samo jedan dio onoga sto smo saznali is Kur'ana, a ima jos dosta toga sto nam je nepoznato, jer je to savrseni Boziji govor. Zato, nama ostaje poruka; prihvatimo se uzvisenih poruka Islama i bit cemo sigurno uvijek u napredku.

Stvaranje nebesa i Zemlje

"I nebo - kaže Allah - Mi smo ga snagom svojom stvorili, jer je za stvaranje Nebesa i Zemlje potrebna snaga, znanje i mudrost, "I Mi ga sirimo". Pogledajmo sta o tome kaže moderna nauka: "Otkrice teorije relativiteta i njena primjena u svemirskim istrazivanjima koja su sprovodili Albert Einstein i Wilhelm de Sitter kao i neki drugi teoreticari, uporedo sa otkricem ekstragalaktičke crvene sekcije (pomicanje prema duzim talasnim duzinama svjetlosti galaksija izvan Mliječnog puta) doveli su do zaključka 1920. da se udaljene galaksije odmicu i da se Svemir neprekidno siri (Encyclopedia Britannica, poglavlje Svemir izdanje 1967). To je na stoljeca prije objavljeno Allahovom Poslaniku Muhammedu sallallahu alejhi ve sellem. Tada to ljudi nisu mogli nikako znati i shvatiti. Navedimo u ovom kontekstu riječi profesora Joshira Koajma, upravnika opservatorije u Tokiju. On kaže: "Onaj ko je izrekao ovaj Kur'an, sve do u tancine zna sta se desava u kosmosu." I zato je prva riječ bila: "Uci, citaj i proucavaj", saznat ces istinu gdje god zivio i u kom god vremenu bio. "Zatim se uzvisio na nebom",

dok je bilo u plinovitom stanju". (Sura Fussilet: 11) "ve hije duhanun", u casu kada su nebesa i Zemlja bili u plinovitom stanju. Sta se nakon toga desilo? "Zar ne vide oni koji ne vjeruju", (koji nijecu istinu i poricu dokaze), da su nebesa i zemlja bili jedno, pa smo dali da se to rastavi (jednom eksplozijom) i sve smo zivo od vode stvorili, pa zar necete vjerovati?!" (Sura Enbija: 30) Pogledajmo kakvo objasnjenje za ovo ima moderna nauka: "Zgusnuti u toploti prvobitnog usijanog balona nalazila su se dva najjednostavnija elementa, hidrogen i helijum. Kako se oblak sirio i hladio, nadmoc gravitacije nad masom dovela je do stvaranja galaksija i zvijezda. Kako su zvijezde emitovale toplotu, hidrogen i helijum su se modificirali i u kasnijem stadiju formirali teske elemente koji su zatim izbaceni u međuplanetarni prostor gigantskim eksplozijama koje su se pojavile smrću masivnih zvijezda. Prasina, sastavljena od teskih elemenata, proizvedenih unutar zvijezda, akumulirala se i formirala planetarna jezgra od stijena i leda. Jedna takva planeta imala je dovoljno sreće da sadrži vodu u sva tri agregatna stanja". (Enc. Britannica, pogl. Svemir) Ne mozemo a da se ne zadivimo preciznosti Kur'anskog teksta i velikom podudarnoscju sa modernim saznanjima. Kako se u proslom nevjernickom sistemu kod nas nisu stidjeli da progovore jednu jedinu rijec protiv ove savrsene vjere koja nosi ovakve dokaze?! A mogli su svasta govoriti jer su nasu omladinu udaljili od pravih saznanja. Htjeli su od nas ucuniti obicne strojeve da radimo bez razmisljanja, da vjerujemo i da prihvatamo stvari bez cvrstih i jasnih doaza.

Nastavit ce se, inšaAllah.



Dzamiya Al-Aksa - Kuds

Izbor knjiga koje mozete nabaviti kod nas

Odgoj djece u Islamu: najizrazitija karakteristika i najveća vrijednost ovog djela je njegova utemeljenost na Kur'anu i Sunnetu.



Allahove evlije i njihovi kerameti: djelo čuvenog islamskog učenjaka Ebu-Kasima Hibetullaha el-Lalikaija.



Licnost

Ibn Tejmiyye rahmetullahi alejhi kaže: Islamska licnost je upotpunjena sa sledeće četiri stvari:

- Poznavanje vjere Islama
- Djela koja proizilaze iz te spoznaje vjere
- Upucivanje drugih na istinu
- Sabur

*“Kada Allah i Poslanik
Njegov nesto
odrede, onda
ni vjernik ni
vjernica ne-
maju pravo
da po svome
nahodjenju
postupe”*

El-Ahzab, 36

Zena muslimanka

Ovim člankom osvrćemo se (djelimično) na neke Serijatske propise u vezi ukrašavanja zene muslimanke. Islam je vjera koja poziva u čistocu i traži od svojih sljedbenika da maksimalno vode računa o svom izgledu, načinu odjevenja i ukrašavanju. Danas neke naše sestre (svjesno ili nesvjesno) oponasaju nevjernice u njihovom ukrašavanju. Znamo da nam je Poslanik s.a.v.s. strogo zabranio da oponasamo nevjernike.

Obrve zene

Zabranjeno je potpuno ili djelimično uklanjanje obrva, bez obzira na koji način se to čini i sredstvo kojim se to čini. Allahov Poslanik s.a.v.s. je prokleo namisu i mutenemmisu, kao što je preneseno u hadisu kojeg bilježe imami Buharija i Muslim. Namisa je žena koja nekome cupa obrve, a mutenemmisu je žena koja traži da joj se to čini radi ukrasa. Abdullah ibn Mes'ud r.a. prenosi da je Allahov Poslanik s.a.v.s. prokleo žene koje tetoviraju i traže od drugih da ih tetoviraju, žene koje cupaju obrve i one koje im to rade, žene koje rastavljaju zube radi ukrasa i mijenjaju Allahova stvorenja. U Allahovoj Knjizi stoji: *“Ono što vam Poslanik da uzmete, a ono*

što vam zabrani ostavite”. (Sura El-Hasr: 7) Veliki broj današnjih žena je iskusan ovim opakim zlom—koje se ubraja u velike



grijehe—i na njega gleda kao svakodnevnu životnu potrebu. Ženi nije dozvoljeno poslušati muža ako joj naredi da ukloni obrve, jer bi time bila nepokorna Allahu dželle sanuhu. Nema pokornosti stvorenju u grijesenju prema Stvoritelju. Iz zabrane se može izuzeti slučaj kada obrve, zbog svoje dužine, predstavljaju neugodnost za oči, na osnovu serijatskog pravila koje glasi: *“Steta se maksimalno uklanja.”*

Rezanje nokata

Žena treba da se pridržava prirodnih obilježja (svojstava) koja joj prilice i vezana su za nju, kao što je redovno rezanje

nokata. Rezanje nokata je sunnet Allahovog Poslanika s.a.v.s. po konsenzusu (idzma'u) svih islamskih učenjaka. Držanje dugih noktiju se smatra izoblicavanjem ljudskog stvorenja, oponasanjem zvijeri i uzrok je gomilanja necistoće i nedospjevenja vode ispod njih. Neke muslimanke su upale u slijepo sledjenje nevjernica u zapustanju nokata i njihovom držanjem dugim, nerazmislijajući kakve stete u tome leže i koliko to odskace od islamskog bontona. Lijepo bi bilo da se odrezani nokti zakopaju, jer se ta praksa prenosi od nekih drugova Allahovog poslanika s.a.v.s..

Lakiranje nokata

Ženi je, u svrhu ukrašavanja, dozvoljeno lakiranje nokata, s tim da je obavezna uklanjati lak svaki put kada se bude abdestila za namaz, kako bi voda mogla doći do nokata. U slučaju da ne uklone lak prilikom abdesta, njen abdest će biti nevazeci, a samim tim nevazeci je i namaz kojeg bude obavila sa tim abdestom.

Semir Imamovic


Djelo: Dragulji iz riznica islamskog prava

Hadisi

Ummi Selema r.a. prenosi: *“Bila sam kod Allahovog Poslanika s.a.v.s., a bila je kod njega Mejmunah, pa dodje i Ibn Ummi Mektum. To je bilo poslije naredbe o pokrivanju. Poslanik s.a.v.s. rece: “Zastrite se od njega.” Mi rekosmo: “Allahov Poslanice, zar on nije slijep? On nas niti vidi, niti zna.” Poslanik s.a.v.s. rece: “A jeste li vas*

dviije slijepje? Ne vidite li vi njega?” (Hadis bilježi Ebu Davud i Tirmizi, hasen, sahih)

Ukbe ibn 'Amir r.a. prenosi da je Allahov Poslanik s.a.v.s. rekao: *“Čuvajte se osamljivanja sa ženama koje van nisu bliza rodbina!”* Jedan ensarija zapita: *“A muzev brat?”* *“Muzev brat je kao smrt”*. (Muttefekun alejhi)



Sabahski ezan

Imala sam sestru koja je većinu svog vremena provodila u ibadetu. Stalno je učila Kur'an. Ako bih je tražila, mogla bih je naći na mjestu na kome je obavljala namaz. Vidjela bih je na ruku'u ili na sedždi ili kako podignutih ruku prema nebesima, upućuje dove Gospodaru nebesa i zemlje. Takva je bila jutrom i večeri kao i sredinom noći te dok bi obavljala noćni namaz. Nije napuštala ibadete niti se zamarala. Ja sam joj sušta suprotnost. Pratila sam modne časopise i gubila vrijeme čitajući knjige o romantičnim ljubavnim pričama mladih ljudi. Veliki dio svog slobodnog vremena posvećivala sam video kasetama i televiziji. Tog jutra veoma važnog za mene ugasila sam video rekorder nakon tri sata gledanja raznih filmova. U tom trenutku začuh sabahski ezan koji razli svoj zov sa munare obližnjeg mesdžda. Glas mujezina je odzvanjao kroz sabahski sumrak pozivajući na djelo koje je vrednije od spavanja. Međutim, pored toga, legoh u postelju. Do mene je došao topli glas moje sestre Munnevere: "nemoj spavati dok ne klanjaš sabah." Mršteći se odgovorih joj: "imam još čitav sat vremena do zore. Ovo je bio tek prvi sabahski ezan." "Dođi i sjedi pokraj mene," reče mi šapatom kojim je govorila otkako ju je opaka bolest bacila u postelju. Osjećajući iskrenost i dobrotu njena glasa, odazvah se njenom pozivu: "Evo, sjela sam. Šta želiš?" Tihim glasom proučila je ajet: "Svako živo biće će smrt okusiti i samo na Sudnjem Danu dobit ćete u potpunosti plate vaše...". Na kratko je zastala, a zatim me upita: "Da li vjeruješ u smrt?" Odgovorih: "naravno da vjerujem". Da li vjeruješ da ćeš polagati račun za svaki mali i veliki grijeh?" Rekoh: "Naravno, ali Allah je Milostiv i mnogo prašta a isto tako i život je dug. " Začudena naivnošću moga odgovora reče: "Sestro! Zar se zaista ne bojiš iznenadnog dolaska smrti?! Zar nisi vidjela Mejru koja je bila mlađa od tebe a preselila je u saobraćajnoj nesreći?" Počela mi je nabrajati i druge slučajeve ljudi kojima je smrt došla u njihovoj mladosti, rekavši na kraju: "Smrt ne poznaje godište čovjeka. Godine nisu mjerilo smrti." Odgovorih joj preplašeno, jer je njena soba bila u mraku: "Znaš da

se bojim mraka i još me plaši smrću. Mislila sam da ćemo govoriti o putovanju u toku ovog godišnjeg odmora." Iznenada njen glas postade promukao, tako da mi je srce zadrhtalo. "Vjerovatno ću ove godine ići na dalek put.... Na drugo mjesto ... možda, Lejla Životi su u Allahovoj ruci..." Puno je plakala. Pomislila sam na njenu opaku bolest i na činjenicu da su doktori tajno skrenuli pažnju mome ocu da ona vjerovatno neće još dugo živjeti. Međutim, koju je obavjestio o tome.... Ili je to ona predpostavljala? Upitala sam je: "Šta ti je? O čemu razmišljaš?" Progovorila je ovaj put snažnim glasom:



"Možda misliš da ovo govorim zato što sam bolesna? Nikako, možda ću duže živjeti od onih koji su zdraviji od mene. Dokle ćeš ti živjeti? Možda još 20 god....Ili 40. A šta onda? Među nama nema razlike, jer ćemo svi krenuti na dalek put i ostaviti ovaj dunjaluk da bismo ušli u džennet ili vatra. Zar nisi čula govor Allaha: "....I ko bude od vatre udaljen i u Džennet uveden taj je postigao ono što je želio." Dok sam odlazila od nje u ušima mi je odzvanjao njen glas: "Neka ti Allah ukaže na pravi put..." Osam je sati ujutru. Čujem kucanje na vratima. Ovo nije uobičajeno vrijeme mog buđenja. Čujem plač, tužne glasove. Sva uplašena pitam: "Šta se desilo?" Uskoro saznadoh da se Munneverino stanje pogoršalo i da je otac otišao s njom u bolnicu. "Allahovi smo i njemu se vraćamo!"- odzvanja po kući. Majka uči dove: "Allahu olakšaj Munneveri. Uvijek je bila dobra i pokorna kći. Nikad je nisam vidjela da gubi vrijeme." Nije mogla sakriti suze. Sa zalaskom sunca tog tužnog dana zavlada tišina u našoj kući. Ubrzo počеше dolaziti rođaci i prijatelji. Glasovi se pomješaše. Kuća je sve punija. Ali, ja znam samo jedno-Munnevera je umrla. Nisam više mogla razlikovati one koji su došli. Neznam ni šta su govorili. Misli su mi kružile kao talasi po uzburkanom moru: "Bože! Gdje sam to ja? Šta se događa?" Nisam bila u stanju više ni da

plačem. Obavjestiše me da otac želi da se posljednji put oprostim sa sestrom. Poljubila sam njeno hladno čelo. Dok sam je gledala ispruženu na smrtnoj postelji, samo bih se sjećala riječi koje mi je često navodila: ".....I noga se za nogu savije. Tog dana će Gospodaru tvome priveden biti." Te večeri sam dugo sjedila na mjestu gdje bi ona obavljala namaz. Tada sam se sjetila koliko su je brinule moje brige. Sjetila sam se ko bi pomogao u otklanjanju mojih problema, ko je dovio Allahu za moju uputu, čije su oči suzile dok bi mi duge noći skretala pažnju na smrt i polaganje računa. Allahu se utječemo i od njega pomoć tražimo. Ovo joj je prva noć u kaburu. "Molim te, Bože, smiluj joj se i osvijetli joj kabur. Ovo je Mushaf iz kojeg je učila, a ovo je njena serdžada. Tu je i njena prelijepa haljina za koju mi je rekla da će je čuvati za svoga muža kada se uda." Sjetila sam se nje i grčevito sam zaplakala nad izgubljenom danima. Molila sam Allaha da mi oprostí ono što je prošlo i da mi se smiluje. Molila sam Allaha da je učvrsti u kaburu kao što je i ona molila. Odjednom upitam samu sebe: "Šta bi bilo da sam ja ta koja je umrla? Šta bi bila moja sudbina? Dali Džennet ili vatra?" Nisam smjela tražiti odgovor na ova pitanja zbog straha koji me je obuzeo. Suze su lile još jače: ALLAHU EKBER!!! ALLAHU EKBER!!! Čula sam sabahski ezan. Ovaj put ga nisam zanemarila. Dok sam ponavljala mujezinove riječi, osjećala sam smirenost u duši. Ogrnula sam svoj ogrtač i ustala da klanjam sabah. Klanjala sam namaz kao onaj koji se oprašta od dunjaluka. Klanjala sam namaz kao što ga je i moja sestra klanjala. To joj je bio posljednji namaz. Od tada, kada osvanem, ne očekujem da ću zanoćiti, a kada zanoćim, ne očekujem da ću osvanuti. Hvala Allahu Uzvišenom.



Jeste li znali...

Pocetkom 9 stoljeca u gradu Kordobi (danasnja Spanija, koja je u to vrijeme bila pod okriljem Islama) su svi stanovnici bili pismeni, a u Bagdadu su intelektualci cinili trecinu ukupnog stanovnistva.

Muslimanska licna imena

Muska imena

ABID - pobožan

BESIR—donosilac radosne vijesti

HALID -trajan, snazan,cio.

KABIR -velik, ogroman, vazan

MESUD— sretan, blazen, uspjesan

MUKDIM—hrabar, smion, poduzetan

NAIM - mekan, njezan

SELIM -zdrav, nepovrijeđen

ZAFER -pobjeda, trijumf

Zenska imena

ARIFA -razborita, ostra, upucena


ESMA -najuzvisenija, najplemenitijeg karaktera

LAMIJA - sjajna, svijetla, blistava

ZEJNA - ljepota, ukras



Ispunite u kockice odgovor na dole postavljeno pitanje; sinonim ili prevod riječi.



Pitanja za ispunjaljku

Vertikalno

1. Država u kojoj živi najviše muslimana (10)
2. Licemjeri arap. (8)
3. Ashab "Allahov s.w.t. mac" (5)
5. Mjesto gdje je Poslanik s.a.v.s. dobio prisegu prvih Medinskih muslimana (5)
7. Djela se cijene prema (8)
8. Treci halifa (5)
11. Govor imama prije Dzume namaza (5)
14. Pokudjeno u Islamu (6)
17. Osvajac Kuds (9)
19. Jedina priznata vjera kod Allaha dzelle sanuhu (5)
21. Prvak sehida, Allahov Poslanikov lav (5)
22. Stub vjere (5)
25. Vodja arap. (4)
27. Pokajanje arap. (5)
28. Ime poslanika koji je s voljom Allaha s.w.t. ozivljavao mrtve i liječio bolesne (3)
29. Poznata bitka iz historije Islama, poznata po kopanju velikog rova (6)
31. Ime ashaba "Osvajaca Arapskog poluotoka" (4)

Horizontalno

1. Sin Ibrahima a.s. i zene mu Hadzere (6)
4. Mjesec posta (7)
6. Poznati mufessir (8)
9. Prvi covjek i poslanik (4)
10. Muslimansko vijeće na kome se donose vazne odluke (4)
12. Ashab sa nadimkom "Ehtem" (9)
13. Allahov s.w.t. zakon (7)
15. Naziv za pouzdan hadis (5)
16. Autor knjige "Rijadu-s-salihin" (6)
18. Kontinent na kome se Islam trenutno najbrže širi (6)
20. Nocno putovanje Poslanika s.a.v.s. (4)
21. Pecina u kojoj je dosla prva objava Poslaniku s.a.v.s. (4)
23. Ashab Poslanika s.a.v.s. sa nadimkom "Živi sehid" (5)
24. Serijatsko-pravno rjesenje (5)
26. Prva supruga Poslanika s.a.v.s. (7)
30. Koji imam bilježi hadis sahih "Vjera je savjet" (6)
32. Ispravno vjerovanje (6)
33. Nepoznato, ljudskom umu nedokucivo arap. (4)
34. Nakadasnja prijedstolnica Hali-fata, grad u Iraku (6)
35. Pustanje stetne krvi iz predjela potiljka (7)
36. Poznata djamiya u Kuds (6)

"Necu se vise nikada rugati"

Velid je posao sa svojim babom na pijacu da kupe voca i povrca. Velidu je 12 godina I vec pomaze babi u mnogim kucnim poslovima. Velidov babo je svratio na pijaci kod svog prijatelja kod kojeg uvijek kupuje voce I povrce. Kraj Velida je naisao covjek sa stakama koji je puno sepao. Velid se poceo smijati tom covjeku i upirati prstom u njega, rugajuci mu se kako hoda. Malo zatim Velid je video dječaka sa rukom u gipsu, povezanom oko vrata. Velid je zakljucio da je dječakova ruka slomljena. "Vjerovatno je negdje zapetljao i pao", pomisli Velid. Potom se poceo rugati dječaku, naglas se smijati i pokazivati na njega rukom. Dijete je osjecalo nemoc i slabost. Puno ga je pogodilo Velidovo ruganje, te je poceo plakati. Kad su se vratili kuci Velid je oponasao sepavi hod hromog covjeka. Babo ga je ukorio zbog toga i zaprijetio mu da to vise ne radi. Sledeceg dana je Velid u skoli vidio Sulejmana sa otvorenom ranom na ruci. Priblizo se i htjede ga udariti po rani ali se Sulejman uspio izmaknuti i pobjeci od Velida. Nekoliko ucenika je ukorila Velida zbog njegovog ponasanja. U razredu, dok je Velid stajao sa ucenicima, poceo je pred njima opet da izigrava covjeka koji je sepao. Jedan ucenik rece: "Velide zasto tako hodaš, kada ti je Allah dao zdrave noge". Velid na to nije imao sta da odgovori. Znao je da

je to samo ružno oponasanje i izrugivanje. Usutio je. Osjetio je da je ružno postpio. Za vrijeme ljetnog raspusta Velidov babo je izveo porodicu na izlet. Velid je bio puno radostan. Trcao je uzivajuci u ljepoti cvijeca, zelenila i prirode. U tom casu je ugledao konja i njezino mladunce kako se igraju na jednom proplanku. Kad se konjic udaljilo od majke Velid je uzeo veliki stap i poceo mahati pred konjicom. Izazivao ga je, uznemiravao i po koji put udario stapom. Velid je u jednom momentu konjica udario tako jako da ga je zaboljelo. Konjic se uznemirio od Velidovih postupaka, malo je trpijo, a onda mu je nestalo sabura, naglo se okrenuo I ljutito velikom brzinom nasrnuo na Velida, kako bi mu uzvratilo na njegov napad. Velid se uplasio, bacio stap i poceo da trci rema babi. Onda je naletio na jedan kamen, spotakao se i pao. Konjic se iznenadio Velidovom padu te se brzo vratilo svojoj majci. Velidova ruka, kojom je pao na zemlju je pocela oticati, a i noga mu se iskrivila. Velid je jecao od bola. Zapamagao je: "Upomoc, upomoc"! Babo je cuo Velidov glas i pojurio u pravcu sinovog glasa. Babo je ponio Velida, jer on nije mogao da hoda. Porodicna radost bila je zamjenjena tugom i zaloscu. Velidov babo je zaustavio jedno auto te su pozurili u pravcu bolnice. U bolnici su ljekari pregledali Velida i ustanovili da se ne radi o lomu nego samo

otoku od pada i udara. Ali je kako ruku tako i nogu trebalo povezati zbog sto brzog ozdravljenja. Velid je ostatak rapusta proveo u postelji. Velid je ubrzo prohodao ali je izvjesno vrijeme morao hodati pomocu stake. Hramajuci su uputio ka skoli. Kada su ga djaci vidjeli pitali su ga: "Velide, zar opet imitiras nekog hromog covjeka"? "Zar ti nije dosta da se izrugujes povrijedenima". Velidu su over rijeci tesko pale. Shvatio je da je lose ono sto je prije radio. Oborio je glavu i sa suzama u ocima ispricao sta mu se desilo. Velido prijatelj Omer je htio da od tog slucaja Velidu bude pouka, pitao ga je: "Da li sada Velide mozes da imitiras normalno hodanje zdravog covjeka". Velid se udaljio od drugova. Shvatio je da je pogriješio: hrom covjek ne moze hodati kao zdrav covjek. Bolestan covjek hoda hromajuci jer nemoze hodati drugacije. Kad je Velid ozdravio, odlucio je da se vise nikada nikome ne ruga. Zahvaljivao je Allahu sto je ucinio zdravim.

Zakljucak: Izrugivanje i ismijavanje drugih ne prilici jednom muslimanu I nije dozvoljeno po islamkom ucenju. Allah dzelle sanuhu kaze: "O vjernici, neka se muskarci jedni drugima ne rugaju, mozda su oni (drugi) od njih bolji. A ni zene zenama drugim, mozda su one (druge) bolje od njih. I ne klevectite jedni druge, niti se ruznim nadimcima zovite". (Sura Hudzurat ajet 11)



Iz historije Islama


Bitka "Nehavend el-Kubra" imala je historijski znacaj u sirenju Islama I borbi protiv Perzijanaca i njihovog idolopoklonstva. Perzijskih ratnika je bilo oko stotinupedeset hiljada, sto konjanika, sto pjesaka, sto strijelaca. Muslimana bjese oko trideset hiljada. Srele su se dvije vojske, zapocela je zestoka bitka izmedju neravnopravnih strana s obzirom na njihov broj. Perzijancu su osim velike ljudske brojnosti imali bogatu opremu i mnogobrojno oruzje. Na strani muslimana trideset hiljada mudzahida, skromno opremljenih ali sa velikim imanom, cvrstim kao stijena. Bitka koja se odvila bila je jedna od najzescih koje biljezi historija. Zveket oruzja je odzvanjao cijelim prostorom. Prasina je obavila cijelo podrucje zaklonivski vojske od sunca. Muslimani pobjedise u ovoj bici i osvojise Perziju. Po njoj se rasiri svijetlo Islama pravde I jednakosti vjere Muhameda sallallahu alejhi ve sellem.

“Vallahi, nijedan covjek nije dobio ovaj svijet a da nije izgubio dostojanstvo i vjeru”

Hasan El Basri, rahmetullahi alejhi

“Vi ste
u kuci
prolaznosti.
Nadmecite se u
dobru koliko
mozete do
kraja vaseg zivota.
Ne znate
hocete li
osvanuti
Ili
omrknuti.”

Osman ibn Affan, r.a



Kako sam presao na Islam

Iz novina *Algemene Dagblad Magazine* 11/12/99, tekst *“Muslimani u Holandiji”*
Gospodin Pol, 28 godina, odgajan kao krscanin, musliman od svoje sedamnaeste, radi u Institutu za Socijalnu Zastitu i Skolstvo u Groningenu

“Pogadjao sam srednju skolu u Meppelu i trazio sam - kao mnogi moji vrsnjaci - sam sebe u nekoj od religija. Samo ponekad ici u crkvu nije zadovoljavalo moju dusu. Citao sam podrobno Biblijske tekstove i cudio sam se da se molitva, po Bilijskim pricama, nekada obavljala na sasvim drugaciji nacin, nego to danas rade oni koji za sebe tvrde da prate Bibliju. Abraham (Ibrahim a.s.) je cinio sedzdu Bogu, Mozes (Musa a.s.) se molio vise puta dnevno. To mi se izuzetno svidjelo. U odrejenom momentu sam dobio interesovanje za Arapski jezik. Kupio sam audio-kasetu na Crnoj Pijaci u Beverwijku, pa sam kuci probao da procitam Arapski tekst i prevedem sadrzaj kasete. Preko interesovanja za Arapski jezik dosao sam u kontakt sa

Islamom i poceo sam da citam Holandski prevod Kur’ana. Kad sam se bolje udubio u Islam osjetio sam da je to ono sto sam i osjecao da treba praktikovati; na primjer vise puta dnevno ciniti sedzdu svome Stvoritelju. Brzo sam uvidio da u Islamu sve stoji u sluzbi Boga i zakljucio sam da sam ja u svari manje vise i zivio kao Musliman. Moj put za prelazak na istinsku vjeru je bio otvoren. Stupio sam u kontakt sa

*“Reci: ‘Mene je
Gospodar moj na pravi
put uputio, u pravu
vjeru, vjeru Ibrahima
pravovjernika, a on
nije bio idolopoklonik”*
El-En’am: 161

Muslimanskim Informacijskim Centrom u Den Hagu. Imam Abdulwahid van Bommel mi je napisao u pismu: Ako vjerujes u Boziju jednocu i da je Muhamed

s.a.v.s. Njegov rob i poslanik, onda si Musliman. Bilo mi je 17 godina kad sam izgovorio da nema Boda osim Allaha i da je Muhamed s.a.v.s. njegov rob I Poslanik. Od tog momenta sam sebe smatrao muslimanom. Moja familija je pomislila da je moj prelazak na Islam uzrok mog puberteta i da cu to sve brzo zaboraviti. Kasnije su uvidjeli moju odlucnost i proces prihvatanja je polahko poceo. U odrejenom momentu je moja majka pocela specialno za mene da kuha halal. Kao srednoskolac u Meppelu imao sam malo dodira sa ostalim muslimanima. Zato sam odlucio da usavrsim Arapski jezik pa sam se odlucio da staziram u nekoj Islamskoj zemlji, u Egitu. Tokom mog staziranja sam upoznao svoju buducu hanumu i 1996 smo stupili u brak na serijatski nacin. Prije dvije godine smo dobili sina. Prije samog poroda smo se dogovorili da, ako nam Allah s.w.t. podari sina, cemo zajedno da se sunetimo. Medjutim, moj sin Karim je ugledo svijetlost dunjaluka vec osunecenj. Majka moja hanume kaze da je to znak od Allaha s.w.t.”

Nesebicnost

Taberani u svojem djelu prenosi da je jednom Omer b.el-Hattab r.a. 400 dinara stavio u kesu i naredio svome slugi: “Nosi ovu kesu Ebu Ubejdi i zabavi se necim jedan sahat u kuci da vidis sta ce uciniti.”. Sluga je uzeo kesu i odnio. Kada je dosao rekao mu je: “Vladar pravovjernig ti porucue: Uzmi ovo da podmiris neke svoje potrebe.” Ebu Ubejde je na to rekao: “Neka Allah Omer a obaspe blagodatima i neka mu se smiluje.” Zatim je pozvao sluskinju i rekao

joj: “Nosi ovih sedam tome, ovih et onome, ovih pet onome drugom ... “ I tako je nastavio dok kesu nije ispraznio. Sluga se potom vrati Omeru i obavijestio ga sta se dogodilo. Zatim je slicno uradio i Mu’azu b. Dzebelu, rekavsi slugi: “Nosi ovu kesu Mu’azu i zabavi se necim jedan sahat u kuci da vidis sta ce uciniti.” Sluga je uzeo kesu i odnio je. Kada je dosao rekao je Mu’azu: “Vladar pravovjernig ti porucue: Uzmi ovo da podmiris neke svoje

potrebe.” Mu’az je na to rekao: “Neka Allah Omer a obaspe blagodatima i neka mu se smiluje.” Zatim je pozvao sluskinju i rekao joj: “Nosi ovo kuci toga, nosi ovo kuci onoga ...” Potom je dosla Mu’azova zena i rekla: “I mi smo tako mi Alaha slabog stanja. Daj i nama.” Medjutim u kesi su ostala samo dva dinara, i on joj ih je bacio. Sluga se potom vratio i rekao Omeru r.a. sta se dogodilo. Omer r.a. se obradovao i rekao: “Oni su uistinu braca koji su jedan drugom jednaki.”

Recepti

Kape

Potrebno za tijesto

8 jaja
9 kasika secera
9 kasika brasna
3 kasike kakaoa
1 prasak za pecivo

Priprema

Sve to izmjesati po redu i peci. Kad se ohladi praviti okrugle oblike (kape) uz pomoc case i filovati.

Potrebno za fil:

3 jaja
3 kasike secera
3 kasike brasna

Priprema

Sve izmjesati i sipati u 2dcl mlijeka koje kuha. Neprestano mjesati dok smjesa ne postane gusta. Ostaviti da se ohladi i onda filu dodati 1 citav margarin. Potom kape filovati u sredini i spolja. Zatim uvaljati u kokosovo brasno i na kraju istopiti

jednu cokoladu i staviti po vrhu kapa.



Bademovi stapici

Potrebno

25 dkg brasna
14 dkg margarina
10 dkg secera
3 zumanjka
1 vanilin secer
1 bjelanjak
10 dkg badema
glazura od cokolade

Priprema

Od brasna, margarina, secera, zumanjaka i vanilin secera umijesiti prhko tijesto. Ostaviti ga oko 1 sahat da ostoji a zatim promjesati i oblikovati stapice pa ih rezati na 10 cm duzine. Stapice zatim premazati jelanjkom i uvaljati u sitno izrezane bademe. Sve peci na podmazanoj tepsiji. Peci oko 20 minuta na temperaturi od 220C. Krajeve pecenih stapica umociti u coko-

ladnu glazuru.



Mali savjeti



KONTAKT

Stichting Hidzra
Pinksterbloem 64
1441 RL Purmerend

Tel.: 06-1315-1809
E-Mail: hidzra@hotmail.com

KvK Amsterdam 34185854
Rabo Bank 1427.67.425

UREDNIŠTVO

Glavi i odgovorni urednik
Amir Karić

Redakcija
Alem Mazić
Samir Curić
Senada Curić
Meliha Omerović

U zadnjih 5-6 godina na Internetu su se masovno počele pojavljivati islamske stranice, najčešće na engleskom ali i na arapskom, njemačkom, francuskom, bosanskom i drugim jezicima. Neke od ovih stranica nude autentične informacije o Islamu, a neke pak nude pogrešne informacije kreirajući krivu sliku Islama. Mi smo ovdje za vas napravili selekciju linkova nekih

autentičnih islamskih stranica na bosanskom jeziku. Savjetujemo vam da, ukoliko imate Internet priključak, ove stranice redovno posjećujete.



Islamske stranice na bosanskom jeziku

Jasna Uputa [www.iasnauputa.com]

Islamska Omladina Beč [www.bosna1.com]

Islamski časopis Saff [www.saffbih.com]

Kewser [www.kewser.net1]

Udruženje Muslimana Sjeverne Amerike [www.umsa.orel]

Reklame

Autolimar-lakirer



Samir 06 418 55238



Dzemat Hidzra vam nudi po povoljnim cijenama bogat izbor knjiga, kao i audio materiala